

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 3. Odluke o odobravanju sredstava Medžlisu islamske zajednice Olovo u svrhu sufinansiranja kapitalnog projekta za 2023. godinu, broj: 02-11-18731/23 od 15.12.2023. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 9. sjednici, održanoj dana 25.12.2023. godine, d o n o s i

## ZAKLJUČAK

### I.

Daje se saglasnost Mirzi Mušija, ministru Ministarstva za obrazovanje, nauku, kulturu i sport Zeničko-dobojskog kantona za potpisivanje Ugovora o prenosu sredstava Medžlisu islamske zajednice Olovo u svrhu sufinansiranja kapitalnog projekta za 2023. godinu „Sanacija štete na objektu Evran Kirşehir džamije nastale usljed poplave“, koji se prilaže uz ovaj zaključak i smatra se njegovim sastavnim dijelom.

### II.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

### III.

Zaključak stupa na snagu danom donošenja.

**PREMIJER**

*Nezir Pivić*

Broj: 02-\_\_\_\_\_ /23

Datum, 25.12.2023. godine

Z e n i c a

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x a/a.

Na osnovu člana 3. Odluke o odobravanju sredstava Medžlisu islamske zajednice Olovo u svrhu sufinansiranja projekta sanacije štete na objektu Evran Kiršehir džamije, sa pozicije „Kapitalni transferi neprofitnim organizacijama“, Budžeta Zeničko-dobojskog kantona za 2023. godinu, broj: 02-11-18731/23. od 15.12.2023. godine, ugovorne strane:

- 1. Ministarstvo za obrazovanje, nauku, kulturu i sport Zeničko-dobojskog kantona, koje zastupa ministar Mirza Mušija,**
- i**
- 2. Medžlis islamske zajednice Olovo, kojeg zastupa glavni imam Medžlisa Esad ef. Pepić zaključuju:**

## **UGOVOR O PRENOSU SREDSTAVA**

### **Član 1.**

Ovim ugovorom, u skladu sa članom 3. Odluke o odobravanju sredstava Medžlisu islamske zajednice Olovo u svrhu sufinansiranja projekta sanacije štete na objektu Evran Kiršehir džamije sa pozicije „Kapitalni transferi neprofitnim organizacijama“, Budžeta Zeničko-dobojskog kantona za 2023. godinu, broj: 02-11-18731/23. od 15.12.2023. godine, uređuje se prenos novčanih sredstava Medžlisu islamske zajednice Olovo u svrhu realizacije projekta sanacije štete na objektu Evran Kiršehir džamije.

### **Član 2.**

Ministarstvo za obrazovanje, nauku, kulturu i sport se obavezuje da će nakon potpisivanja ovog ugovora izvršiti prenos sredstava Medžlisu islamske zajednice Olovo, kao nosiocu Projekta u ukupnom iznosu od 10.000,00 KM (slovima: deset hiljadakonvertibilnihmaraka), odobrenih Odlukom Vlade Zeničko-dobojskog kantona o odobravanju sredstava Medžlisu islamske zajednice Olovo u svrhu realizacije projekta sanacije štete na objektu Evran Kiršehir džamije, broj: 02-11-18731/23. od 15.12.2023. godine.

### **Član 3.**

Odobrena sredstva iz člana 2. ovog Ugovora će biti uplaćena na račun Medžlisa Islamske zajednice Olovo broj: 338-900-2206239596 otvorenog kod UniCredit banke.

### **Član 4.**

Medžlis islamske zajednice Olovo je odgovoran za namjenski i zakonit utrošak sredstava iz člana 2. ovog Ugovora, koja su mu odobrena u svrhu sufinansiranja projekta iz člana 1. ovog Ugovora.

### **Član 5.**

Medžlis islamske zajednice Olovo je dužan dostaviti izvještaj o namjenskom utrošku odobrenih sredstava Ministarstvu za obrazovanje, nauku, kulturu i sport, najkasnije u roku od 15 dana od dana utroška istih, a najkasnije u roku od godinu dana od dana doznačavanja sredstava iz člana 2. ovog ugovora.

### **Član 6.**

Ukoliko Medžlis islamske zajednice Olovo ne postupi po odredbama iz članova 4. i 5. ovog Ugovora a koje se odnose na namjenski i zakonit utrošak sredstava i dostavu izvještaja o namjenskom utrošku sredstva, Ministarstvo za obrazovanje, nauku, kulturu i sport će zatražiti povrat uplaćenih sredstva.

**Član 7.**

U slučaju spora priznaje se stvarna i mjesna nadležnost suda u Zenici.

**Član 8.**

Ovaj ugovor stupa na snagu danom potpisivanja i sačinjen je u četiri istovjetna primjerka od kojih svaka ugovorna strana zadržava po dva primjerka.

**MINISTAR**

*Mirza Mušija*

Broj:

Zenica,

**MEDŽLIS ISLAMSKE  
ZAJEDNICE OLOVO  
glavni imam**

*Esad ef. Pepić*

Broj:

Zenica,